

**TERMA-TERMA DAN SYARAT-SYARAT KHUSUS UNTUK AKAUN MATA WANG ASING
(Tarikh Kuatkuasa: 25 Mac 2016)
[Layak Dilindungi oleh PIDM]**

Terma-terma dan Syarat-syarat Khusus berikut mesti dipatuhi bagi pembukaan akaun mata wang asing dan yang dikekalkan dengan AmBank (M) Berhad. Terma-terma dan Syarat-syarat Khusus ini harus dibaca bersama Terma dan Syarat Umum bagi Akaun dan Perkhidmatan.

1.0 Pentakrifan-pentakrifan

'Pemegang Akaun' bererti orang/entiti yang telah membuka akaun FCA dengan Bank.

'Bank' bererti AmBank (M) Berhad.

'Hari Bekerja' bererti pada hari (selain daripada Sabtu, Ahad atau cuti umum) yang mana Bank tersebut, di mana akaun itu dikekalkan, dibuka untuk urus niaga biasa perniagaan perbankan di Kuala Lumpur, Malaysia.

'Akaun Dorman' bererti akaun yang tidak mempunyai sebarang urus niaga melebihi satu tahun.

'Undang-undang Pentadbiran Pertukaran Asing' bererti notis-notis dan arahan yang dikeluarkan mengikut Seksyen 214 Akta Perkhidmatan Kewangan 2013 [Akta 758] dan Seksyen 225 Akta Perkhidmatan Kewangan Islamik 2013 [Akta 759] dan sebarang perubahan kepadanya.

'FCA' bererti sebarang akaun mata wang asing termasuk Akaun Semasa Mata Wang Asing dan Akaun Simpanan Tetap Mata Wang Asing yang dikekalkan oleh Pemegang Akaun dengan Bank.

'Akaun Semasa Mata Wang Asing' bererti akaun semasa yang membenarkan pelanggan membuat urus niaga dalam mata wang asing pilihannya melalui pihak Bank.

'Akaun Simpanan Tetap Mata Wang Asing' bererti akaun simpanan tetap yang membenarkan pelanggan membuat penempatan bertempoh dalam mata wang asing pilihannya melalui pihak Bank.

'Akaun Ringgit Malaysia' bererti akaun semasa/simpanan yang dibuka dan digunakan oleh Pemegang Akaun untuk tujuan pengkreditan pendapatan dari jualan/pendebitan untuk pembelian mata wang asing dan pendebitan yuran-yuran dan caj-caj berkenaan dengan FCA.

2.0 Yuran-yuran dan Caj-caj

2.1 Bank berhak mengenakan yuran-yuran/caj-caj/komisen untuk sebarang perkhidmatan yang diberikan berkenaan FCA. Segala yuran-yuran/caj-caj/komisen akan didebitkan dari FCA atau Akaun Ringgit Malaysia.

2.2 Apabila yuran-yuran/caj-caj/komisen didebitkan dari Akaun Ringgit Malaysia, mata wang asing yang relevan akan ditukarkan kepada Ringgit Malaysia mengikut kadar kaunter terkini pada tarikh urus niaga.

3.0 Akaun-akaun Dorman

3.1 Pihak Bank akan mengklasifikasikan FCA (selain daripada Akaun Simpanan Tetap Mata Wang Asing) yang tidak mempunyai urus niaga melebihi satu tahun sebagai Akaun Dorman.

3.2 Untuk mengaktifkan semula Akaun Dorman, urus niaga-urus niaga mesti dilakukan oleh Pemegang Akaun itu dengan sendirinya di mana-mana cawangan-cawangan Bank dan tertakluk kepada pengesahan oleh pemegang akaun.

3.3 Penyata akaun tidak akan dihantar oleh pihak Bank kepada Pemegang Akaun apabila FCA tersebut telah diklasifikasikan sebagai Akaun Dorman.

3.4 Pihak Bank akan menutup Akaun Dorman yang tidak mempunyai baki.

3.5 Sebarang Baki Sedia Ada dalam Akaun Dorman yang tidak dituntut selepas tempoh 7 tahun akan dihantar oleh pihak Bank kepada Pendaftar Wang Tak Dituntut, Jabatan Akauntan Negara Malaysia dan Pemegang Akaun selepas itu mesti mengurus secara langsung dengan Pendaftar Wang Tak Dituntut, Jabatan Akauntan Negara Malaysia berhubung dengan Baki Sedia Ada dalam FCA beliau.

3.6 Segala yuran-yuran dan caj-caj yang dikenakan oleh Pihak Bank untuk pengurusan dan pentadbiran Akaun Dorman tersebut akan dicajkan kepada Akaun Dorman tersebut sehingga Baki Sedia Ada dihantar kepada Pendaftar Wang Tak Dituntut, Jabatan Akauntan Negara Malaysia oleh pihak Bank.

4.0 Pematuhan dengan Undang-undang Pentadbiran Pertukaran Asing

4.1 Pelanjutan pengendalian FCA tersebut tertakluk selalunya kepada undang-undang, peraturan-peraturan dan had-had yang ditetapkan oleh Jabatan Pentadbiran Pertukaran Asing, Bank Negara Malaysia, di mana ianya boleh mengubah had-had berkenaan dari masa ke semasa.

4.2 Pemegang Akaun mesti memastikan semua pemindahan pembayaran dari atau ke dalam FCA mematuhi undang-undang, peraturan-peraturan dan had-had terkini yang ditetapkan oleh Jabatan Pentadbiran Pertukaran Asing, Bank Negara Malaysia, yang mungkin mempunyai perubahan ke atas had-had yang berkenaan dari masa ke semasa.

4.3 Jika pelaburan-pelaburan Pemegang Akaun dalam FCA tertakluk kepada sebarang syarat-syarat/had-had yang ditetapkan oleh Jabatan Pentadbiran Pertukaran Asing, maka Pemegang Akaun mesti mematuhi had-had yang ditetapkan oleh Jabatan Pentadbiran Pertukaran Asing, Bank Negara Malaysia.

4.4 Pihak Bank berhak untuk melihat, meminta dan mengesahkan sebarang dokumen daripada pemegang akaun untuk memastikan ketepatan maklumat yang diberikan oleh pemegang akaun kepada pihak Bank.

- 4.5 Pemegang Akaun perlu menanggung rugi pihak Bank untuk sebarang tindakan yang diambil oleh pihak Bank supaya mematuhi undang-undang, peraturan-peraturan dan had-had yang ditetapkan oleh Jabatan Pentadbiran Pertukaran Asing, Bank Negara Malaysia.

5.0 Waktu Urus Niaga

Waktu tutup untuk setiap dan semua urusanniaga FCA adalah pada pukul 1.00 petang pada setiap Hari Bekerja. Sebarang resit dan/atau arahan pembayaran yang diterima oleh pihak Bank selepas waktu tersebut akan menggunakan nilai pada Hari Bekerja berikutnya selaras dengan mata wang berkenaan dengan urusanniaga tersebut.

6.0 Pengeluaran dari FCA

Semua pengeluaran atau pembayaran kepada FCA mesti dilakukan melalui Draf, Pemindahan Wang Secara Elektronik, Wang Pos atau dikreditkan ke dalam Akaun Ringgit Malaysia. Pengeluaran dan kemasukan wang tunai adalah tidak dibenarkan.

7.0 Terma-terma Selanjutnya

- 7.1 Untuk *Akaun Semasa Mata Wang Asing*: Tiada buku cek akan dikeluarkan untuk Akaun tersebut. Semua pengeluaran mesti dibuat melalui arahan secara bertulis oleh Pemegang Akaun kepada pihak Bank. Pemegang Akaun akan dimaklumkan bahawa pihak Bank mungkin mengenakan caj perkhidmatan ke atas Akaun Semasa Mata Wang Asing tersebut.
- 7.2 Untuk *Akaun Simpanan Tetap Mata Wang Asing*: Terma-terma yang tertakluk kepada simpanan tetap yang dinyatakan dalam Terma dan Syarat Umum bagi Akaun-akaun dan Perkhidmatan-perkhidmatan, termasuk bayaran faedah atas simpanan, caj-caj penalti untuk pengeluaran awal simpanan dan faedah yang tidak dibayar bagi penempatan yang belum tamat tempohnya, harus dipatuhi oleh Akaun Simpanan Tetap Mata Wang Asing.
- 7.3 Terma-terma dan Syarat-syarat lain yang tertakluk kepada FCA ini adalah seperti yang dinyatakan dalam Terma dan Syarat Umum bagi Akaun dan Perkhidmatan, yang sedia ada dalam laman web Bank (www.ambank.com.my) dan cawangan-cawangannya.
- 7.4 Sekiranya terdapat sebarang perbezaan atau pertikaian dalam penterjemahan Terma-terma dan Syarat-syarat Khusus ini, versi Inggeris dan Bahasa Malaysia untuk setiap Terma-terma dan Syarat-syarat Khusus ini akan ditafsirkan sebagai sama dan setiap terma-terma dan syarat-syarat yang ditetapkan akan membawa makna yang sama.